

বাসন্তিকা

(স্মৃতি-নাট্য)

শ্রীমগীন্দ্র নাথ সিংহ, বি, এম্-সি
প্রণীত।

রঙ্গমহলে অভিনীত

প্রথম অভিনয় রজনী—শনিবার, ১৬ই মার্চ, ১৩৩৮

প্রকাশক—

কমরেসে মাথ দে

১০১/৫, কলকাতা মে ট্রাট, কলিকাতা

চার আনা

প্রিণ্টার—শ্রীপুলিনবিহারী দে

“দি কাইন প্রিণ্টিং ওয়ার্কস্”

৩৪৭/১ নং অপর চিংপুর রোড, কলিকাতা

অগ্রজা—

শ্রীমতী নীহারবালা বসু

করকমলেষু ।

দ্বিচ্ছি ২

ক'টি ঝরা ফুলে আমার এ মালা গাঁথা ;
জানি, এ মালা লোকচক্ষুর অন্তরালে থেকে শুকিয়ে
যাবে, তবু হয় ত তোমার স্নেহধারায় সঞ্জীবিত
হোয়ে এক লহমাও এর সৌরভ ব্যাপ্ত হোতে পারে
তোমায় ঘিরে'—সেই ত আমার বিফল প্রয়াসের
সফলতা—সেই ছরাশা বুকে কোরে রাখলাম এ
মালা তোমার পায়ের তলে । ইতি—

দফবপুৰ, বহুবকুলী
বৰ্তমান, ১৬ই মাঘ, ১৩২৮

}

মেহাধীন—

শ্রীমনীন্দ্র নাথ সিংহ

নাট্যোল্লিখিত পাত্র-পাত্রীগণ

ঋতুরাজ

দখিন্ হাওয়া

ঋতুদূত

শীতা

বাসস্তিকা

বকুল

বেলা

চামেলী

দু'টি কথা

‘বাসন্তিকা’—কাল্পনিক নাটিকা,

বাস্তব জগতে এর পরিচয় মেলে না, সুতরাং সে দিক দিয়ে বিচারও
এর চলে না। নামের উৎপত্তি বা অর্থ হয়ত অভিধানে নাই, যেমন
শীতা (শীতের রাণী)।

মিনার্জা ইন্সটিটিউটের এক সাহিত্য-বৈঠকে, সমিতির সুবোধ্য সহ-
সম্পাদক, আমার অকৃত্রিম বন্ধু শ্রীহরিদাস শীল এই গল্পাংশ একটি
নাটিকায় ফুটিয়ে তোলবার জন্য আমায় অনুরোধ করেন। তাঁরই অনু-
রোধে এই গ্রন্থ প্রণয়ণ, সুতরাং খ্যাতি যা’ তাঁরই প্রাপ্য আর অধ্যাপিকা
আমার অক্ষমতার পরিচয়। আমার অগ্রতম সূত্র শ্রীসুধীর কুমার
চট্টোপাধ্যায় গ্রন্থ প্রণয়ণে বিশেষ সহায়তা কোরেছেন। আর নাটিকাকে
সজীব মূর্তিতে গড়ে তুলেছেন যে শিল্পী অক্লান্ত পরিশ্রমে, সেই সর্বজন-
পরিচিত, সুগায়ক, রঙ্গমহলের নাট্যশাখা বিভাগের অধ্যক্ষ শ্রীরাধাচরণ
ভট্টাচার্য্য মহাশয়ের কাছেও আমার ঋণ কম নয়। তাই কৃতজ্ঞচিত্তে
এঁদের ঋণ স্বরণ কোরে আমার নাটিকাকে ছেড়ে দিলাম সবার
সাথে। ইতি—

প্রসূকার ।

প্রথম অভিনয়—রজনীর পাত্র-পাত্রীগণ

অহুষ্ঠাতা—শ্রীকালিদাস গোস্বামী ।

স্বর-সংযোজক—শ্রীরাধাচরণ ভট্টাচার্য্য ।

প্রযোজক—শ্রীরাধাচরণ ভট্টাচার্য্য ও

শ্রীহরিদাস শীল (এমিচার) ।

নৃত্যশিক্ষক—শ্রীপাঁচকড়ি ঘোষ (ভেলুবারু)

অহুরাজ—শ্রীনির্মল বসু ।

অতুদূত—শ্রীনলিনীকান্ত দত্ত ।

দখিন্ হাওয়া—শ্রীপাঁচুগোপাল বন্দ্যোপাধ্যায় ।

শীতা—শ্রীমতী ইন্দুবাল।

বাসন্তিকা—শ্রীমতী মেহনতা (কটি) ।

বকুল—শ্রীমতী নন্দরাণী ।

বেলা—শ্রীমতী দুর্গারানী ।

চামেলী—শ্রীমতী সরলাবালা ।

অকৃত পুষ্পগণ—শ্রীমতী নীলিমা দেবী, প্রসাদী,

মনোরমা, লক্ষ্মী ও গুতুল ।

হারমোনিয়াম-বাদক—শ্রীহরিদাস মুখোপাধ্যায় ।

বংশীবাদক—শ্রীনেপাল চন্দ্র রায় ।

পিকলুইষ্ট্র—শ্রীকানাইলাল বসাক ।

সঙ্গীতী—শ্রীমমুখ কুমার ঘোষ ।

রঙ্গভূমি-সজ্জাকর—শ্রীধরেশ্বর সাহা ।

স্মারক—শ্রীসরোজ কুমার বসু ।

বাসন্তিকা

প্রথম দৃশ্য

[দৃশ্য-পরিচয় :—ঋতু-কুঞ্জের এক পার্শ্ব—শুধু লতাকুঞ্জ—
শীতের রাত্রিশেষ—আর্ত ধরিত্রীর মৃদু ক্রন্দন-ধ্বনি ভেসে আসছে
—কালো ওড়নায় ঢাকা ঋতুরাজ নিশ্চিন্ত ঔদাস্যে বসে আছে
আর শীতা নৃত্য-সহকারে তা'র জয়গান গাইছে ।]

(গান)

ওগো ঋতুরাজ, হৃদয়-দেবতা !
কেন ধরনী কঁাদে গুমরি' ?
পবনে রেশ তার উঠিল ভরি' ।
কোথা তব বরাভয় ? জাগো দেবতা,
ধ্বংসের বৃকে আনো শুভ বারতা ।
নিশিদিন কঁাদে ঐ শীতা ধরনী,
ঐ মম জয়নাদ তুর্ধ্যধ্বনি ।
শ্মশানের বৃকে তুমি জাগো দেবতা,
ভাঙে মায়াজাল, বৃহ্ম-হবিরতা,
জাগো ঋতুরাজ ; জাগো দেবতা ।

বাস্তবিকতা

শীতা । (অট্টহাস্তে)—হাঃ, হাঃ, হাঃ, তুমি আমার অভিশাপ
দিয়েছিলে মনে পাও রাজা ।

রাজা । হাঁ, তুমি তার প্রতিশোধও কম নাও নি শীতা ।

শীতা । প্রতিশোধ ! হাঁ, নিয়েছি, তুমি আমায় অভিশাপ
দিয়েছিলে যে আমার আগমনে ধরার বুকে কোন স্পন্দন
জাগবে না, তোমার সে অভিশাপ আমি ব্যর্থ কোরেছি,
কিন্তু তৃপ্তি তা'তে কতটুকু পেয়েছি রাজা ?

রাজা । কেন পাও নি শীতা ? আমার এ পরাজয়ের গ্লানি কি
তোমায় কোন তৃপ্তি দেয় নি ?

শীতা । আকস্মিক তৃপ্তি হয়ত পেয়েছিলাম, কিন্তু তা'র মূল্য
কতটুকু ? রমণীর সহজাত কোমলতা বিসর্জন দিয়ে
যে গৌরব আমি ক্রয় কোরেছি, পরে দেখলাম তা'র
মূল্য কত হীন, কত হীন, রাজা ।

রাজা । সত্যই কি তা'র কোনও মূল্য নাই শীতা ?

শীতা । না রাজা, রমণীর কাছে তা'র কোনও মূল্যই নেই ।
চেয়েছিলাম তোমার মদালস আঁখির চাহনি, তোমার
সুকোমল বাহুর আলিঙ্গন, কিন্তু পেলাম শুধু ঘৃণাতরা
উপেক্ষা । এই উপেক্ষার আবর্জনায় আমার ডালা
সাজাতে হোল । কিন্তু কেন ?

রাজা । কেন শীতা ?

শীতা । (হঠাৎ)—রাজা তোমার হুঁচোখে হুঁরকম ভাব
খেলে কেন ?

রাজা । কই, আমি ত তা'র কোন আত্মস পাই নি ।

শীতা । বাধা দিওনা, বাধা দিও না,—যে ভাষা ফুটে ওঠে, তোমার চোখে বসন্তের আগমনে, সে ভাষায় কি আমার আগমনী এক লহমার জন্মও তুমি গাইতে পারো না? আমার সারা জীবনের বিনিময়ে এই এক লহমা, এক লহমা, আমি ভিক্ষা চেয়ে নিচ্ছি ।

রাজা । শীতা, বিশ্বাস করো, আমার প্রাণ তোমায় ভিক্ষা দেবার জন্য উন্মুখ, কিন্তু আমি নিতান্ত নিঃসহায় । যে ভাষা ফুটে ওঠে আমার চোখে বসন্তের আগমনে, সে ভাষা ত আমার নিজস্ব নয়, সে যে তা'রই দান ; সে আবেগ শত চেষ্টায়ও আমি অসময়ে ফিরিয়ে আনতে পারি না ।

শীতা । কেন রাজা ? কিসের অভাব আমার দেহে ? উছল যৌবন আমার সারা অঙ্গ ছেয়ে আছে । কিসের অভাব আমার মনে ? রক্তের নর্দানে হিয়ার প্রত্যেক তন্ত্রীতে অলৌকিক শিহরণ লেগেছে । তাদের সাহচর্য্যে তোমার অনুভূতি নিশ্চল কেন ?

রাজা । সবই তোমার আছে শীতা, কিন্তু কি জানি কিসের অভাবে মন আমার সাড়া দেয় না । যখনই মনে পড়ে, সত্যই তোমার ওপর একটা অবিচার কোরেছি, তখনই সবলে মনের বাঁধন কবে' তোমায় ভালোবাসতে চেয়েছি, পারি নি । কিন্তু কেন জান ? আমার মনের ভেতর

বাগতিকা

যে মদন লুকিয়ে আছে, সে তোমার শিহরণ সইতে পারে না, তাই সে থাকে লুকিয়ে। নিজের অস্তিত্ব সে ফুলে যায়, তাই তার দেখা তুমি পাও না শীতা।

শীতা। তবু ভালো, অবিচার যে তুমি করেছেো একথা স্বীকার করো।

রাজা। অস্বীকার করবার দুর্বলতা আমার নাই।

শীতা। কিন্তু রাজা, ধরণীর বুকে যে কলরোল আমি ধনিয়ে তুলেছি, তা'রই বিরুদ্ধে তুমি প্রায়ই অভিযোগ করো। তুমি আমায় প্রতিনিয়তই স্মরণ করিয়ে দাও এ আমার অবিচার, তাই তা'র সংশোধন তুমি আমার কাছে প্রত্যাশা করো, নয় কি?

রাজা। ঠিক তা'ই শীতা।

শীতা। আর নিজের সৃষ্ট অবিচার বৃষ্টি শাস্ত হোয়ে থাকবে।
চমৎকার!

রাজা। আমি তোমার নিষ্ঠুরতার বিরুদ্ধে অভিযোগ এনেছি শীতা।

শীতা। আর আমি তোমার নির্মম হৃদয়-হীনতার বিরুদ্ধে অভিযোগ এনেছি রাজা। আমার নির্মমতা তোমারই সৃষ্ট। আমি এনেছি ধরার বুকে ঝণিকের হৃঃস্বপ্ন, আর তুমি, তুমি আমার বুকে চিরন্তন হৃঃস্বপ্নের ছবি এঁকে দিয়েছো। আমার মধ্যে নারীত্ব যা ছিল সব মুছে গিয়েছে তোমার অবিচারে। নারীর এর বাড়া হৃঃসহ লজ্জা নেই রাজা।

বাসস্তিকা

রাজা । হাঁ, অভিযোগ করবার যথেষ্ট কারণ তোমার আছে ।

[হঠাৎ সবুজ আলোর ঋতুকুঞ্জ ছেয়ে গেল, ঋতুরাজের
কালো ওড়না খসে' গেল—সবুজ ঋতুকুঞ্জের মাঝে সবুজবেশে'
ঋতুরাজ—একটা অস্পষ্ট আনন্দরোল ভেসে এলো ও পানী
গাহিতে গাহিতে ঋতুদূতের প্রবেশ]

(পান)

নির্মাধরাতের কাজল মায়ার আঁত্কে কাহার ফুলবাসর,
কাহার পরশ লাগলো বুকে, ভাবলো আমার নিদ্‌মায়র ।
কোন্ রূপসী ঘোমটা মুখে,
এলো রে ওই ধরার বুকে,
চপল অঁখির ললিত লীলায় কঁরলো আমার মন কাতর ।

[ঋতুদূতের প্রস্থান ।

শীতা । এ কি হঠাৎ বুকের মাঝে অহেতুক শিহরণ জাগে
কেন ? ধরার বুকে এ কি উল্লাসকর' গীতির প্রাবন ?
বুঝেছি, আমার সময় ফুরিয়েছে । বিদায়ের সময়
চোখের জলে ফিরতে হোল রাজা, তোমার ছয়ার হোতে,
কিন্তু আবার যখন আসবো তখন যেন অফুরন্ত আনন্দ
আমার সাথী হোরে আসে ।

রাজা । আশীর্বাদ করি তোমার এ কামনা যেন সফল হয় ।

[এক পার্শ্ব হইতে বসন্তরাণীর প্রবেশ, অপর পার্শ্ব হইতে
শীতার প্রস্থান]

বাসন্তিকা

বাসন্তিকা ।

(পান)

ও আমার কল্পলোকের সুন্দরী,
ধরার বুকে নামলে তুমি আশার কানন মুঞ্জরি' ।

ও আমার কল্পলোকের সুন্দরী ।

ভুলিয়ে দিলে দুখের স্বপন সুখের ছবি আঁকলে গো,
তাই ত তোমায় ধরার বুকে ভোমরা বঁধু ডাকছে গো ।
তোমার পায়ের রেণু মাখি', ফুলের গন্ধে বাতাস ভরি',
উঠলো জেগে সবুজ ধরা নবীন গানে গুঞ্জরি' ।

ও আমার কল্পলোকের সুন্দরী ।

বাসন্তিকা ।

(পান)

গানের সুরে হোল সুরু আমার অভিযান,
সাদ হোয়ে গেলো এবার গভীর অভিমান ।

ঐ দরদীর চোখের চাওয়ার

ডাক দিলে আজ উতল হাওয়ার

তাইত সখা, এলাম ছুটে গাইতে মিলন-গান ।

আজকে বঁধু, তোমায় আমি কোরবো আমার দান ।

দ্বিতীয় দৃশ্য



[দৃশ্য-পরিচয়—কুঞ্জবনের এক পার্শ্ব—রাত্রি সবে প্রভাত
হোয়েছে—চারিদিকে অশ্রুমাণ করিতে করিতে বকুলরাশীর
প্রবেশ]

(গান)

কোথায় ওগো লুকিয়ে আছো ফুলপিরাসী দখিন্ হাওয়া
ভোর-নিশীথে স্বপনঘোরে শুনেছি যে তোমার চাওয়া ।
অভিসারের তিয়াস ঢেলে,
রক্ত-আগুন বুকে জ্বলে,
ধরার মাঝে ফুটলো বকুল প্রেমসায়রে নাওয়া ।
তোমার মাঝে হারিয়ে যাবার আজকে দাবীদাওয়া ।

[গান গাহিতে গাহিতে দখিন্ হাওয়ার প্রবেশ]

(গান)

তন্দ্রামগ্ন আঁধি আমার উঠলো জেগে কাহার ডাকে,
রূপকুমারী ডাকছে বুঝি কুঞ্জবনের ফাঁকে ফাঁকে ।
তরুণ রবির অরুণ আলোর উদ্ভলে ওঠে কাহার হাসি,
কইছে আমার মনের দ্বারে, কোন্ পিয়ারী ভালোবাসি ।
লজ্জানত আঁধির কোণে অভিমানের অশ্রু জাগে,
অভিসারের যায় যে বেলা, কয় সে আপন মনের ফাঁকে ।

বাসস্তিকা

সঃ হাঃ । তুমি কতক্ষণ এসেছো বকুল ?

বকুল । নিশাশেষে সখী বাসস্তিকা যখন এলো তাঁর অভিমানে তখন আমারও মন চঞ্চল হয়ে উঠলো তোমার জন্য । সখীকে ঋতুকুঞ্জে পৌঁছে দিয়েই এলাম আমি তোমার অবেষণে ।

সঃ হাঃ । এস কি দেখলে ?

বকুল । দেখলাম প্রকৃতি নীরব, নিথর, স্পন্দনহীন, হাওয়ার বেশ সেখানে নাই । কুঞ্জে কুঞ্জে কোয়েলা ডেকে উঠলো আমার আগমনে, কিন্তু তোমার ছোঁয়াচ্ ত লাগলো না আমার বুকে ।

সঃ হাঃ । তখন, তখন, তুমি কি করলে ?

বকুল । চারিদিকে ব্যর্থ অবেষণের পর আকুলস্বরে তোমার ডাক্তে লাগলাম, তাঁরপর—

সঃ হাঃ । তাঁরপর, তাঁরপর তোমার সে গানের আকুলতায় আমার অঙ্গম তন্দ্রা টুটে গেল, আমি আর স্থির থাকতে পারলাম না ; তাই ছুটে এলাম তোমায় ধরা দিতে ।

(গান)

ভোর না হোতে কাহার চাওয়া লাগলো আমার বুকে ।

যুঝিয়েছিলাম তখন আমি গভীর স্বপন-স্থখে ।

তোমার ও গান করুণস্বরে,

ডাক দিল মোর মানসপুরে,

অভিসারের পথে আমি ঝাঁপিয়ে এলাম স্থখে ।

আমার আসতে দেবী দেখে তোমার খুব রাগ হোচ্ছিল নর
বকুল ?

বকুল । কিন্তু এই মুহূর্তে তোমার কাছে গেয়ে আমার খুব
ভালো লাগছে । এই ভালো লাগার জন্য তোমার এ
গুরুতর অপরাধ আমি ক্ষমা করলাম । কথায় কথায়
অনেক বেলা হোয়ে গেল, ঋতুকুঞ্জে সখী বাসস্তিকার
আজ আগমনী উৎসব । আমাদের বিলম্বে সখী হরত
অধীরা হোয়ে পড়েছে, আমরা না গেলে যে তার উৎসব
পূর্ণ হোতে পারে না ।

দঃ হাঃ । হাঁ, হাঁ, চল ।

(গান)

চল বকুল গন্ধ আকুল,

উড়িয়ে দগিন্ বায় ;

অঁ চলখানি বাঙ্গিয়ে নিয়ে

প্রেমের অলকায় !

বকুল—সেই আশাতেই বাঁধন-দড়ি

সরিয়ে নিলাম তায় !

যেতে চ'বে অনেক দূরে

ল'য়ে মলয় বায় ।

(দুঃখ)—যেতে চ'বে অনেক দূরে

প্রেমের অলকায় ।

তৃতীয় দৃশ্য

দৃশ্য-পরিচয়—বাসস্তীনিশা—ফুল লতাকুঞ্জের মাঝে বসন্ত-
রাগা, পুলকের আবেশ ছড়িয়ে পড়েছে তা'র মুখে—দূর থেকে
আনন্দের উচ্ছ্বাসমাখা বৃহৎ গুঞ্জনধ্বনি ভেসে আসছে। একে
একে গাহিতে গাহিতে দখিন্ হাওয়া, বকুল, বেলা, চামেলী
[অতীতির প্রবেশ]

(পান)

স: হা:— আমি এসেছি দখিন্ হাওয়া।
বকুল— আমি দিয়েছি বকুল হোঁওয়া।
বেলা— আমি এনেছি প্রাণের প্রীতি
গাহিতে বরণ-গীতি।
চামেলী— তোমারই লাগিয়া হারিয়েছি সখি,
প্রাণের গোপন দিষ্টি।
সকলে— সকলে মিলিয়া সাজিয়েছি ডালা
প্রীতির সায়রে নাওয়া।

(রাজার প্রবেশ)

রাজা। ঋতুকুঞ্জে আজ কা'র অভ্যর্থনা রানী ?
বাসস্তিকা। ঋতুরাজের।

রাজা। তোমার গুণ্ডে ভুল হয়েছে, রাণী। আজ মিথিলা বাতাসে তোমার অভ্যর্থনা-গীতি ছড়িয়ে পড়েছে, বিহঙ্গের মুখে আজ তোমারই অভ্যর্থনা-কাকলী বেজে উঠেছে, লুক্ক ভ্রমর পিয়ার বুকের মধু আকর্ষণ পান কোরতে কোরতে গুঞ্জন-গীতিতে তোমাকেই স্মরণ কোরছে।
ধন্যা তুমি রাণী, আর ধন্য আমি তোমায় পেয়ে।

বাসস্তিকা। কিন্তু আমার নিজের ত কোন বৈশিষ্ট্যই নাই। তুমি আমায় সাজিয়েছো যে সাজে, তুমি আমায় চাও যে ভাবে, সেই সাজে, সেই ভাবেই ত এলাম আমি ধরার বৃকে, তোমায় ধরা দিতে।

রাজা। রাণী, আমি খেয়ালের বশে আমার ছয় ছয়টি রাণীকে ছ'রকম ভাবে, দৃশ্যে, কল্পনায় সাজিয়েছি, নিত্য-নূতনের আকিঞ্চনে। তা'দের প্রত্যেকের আগমনে কুটে ওঠে আমারই অবিমূঢ়াকারিতার ফল,—মন আমার বিতৃষ্ণায় ভরে ওঠে তাদের সাত্চর্য্যে; কিন্তু তুমি যখন আসো তখন মন আমার কানায় কানায় ভরে ওঠে।

বাসস্তিকা। কেন রাজা? নিত্য-নূতনের প্রলোভন কি তোমায় ভোলাতে পারে না?

রাজা। তা'রা হয়ত আমার নয়নের খেয়াল মেটাতে পারে, কিন্তু বিরাট ধরণীর তা'তে কি যায় আসে? রাজা আমি, তা'দের সুখ, ঐশ্বর্য্য, উন্নতিই আমার কাম্য।

বাসস্তিকা। কিন্তু এ ত তা'দের দোষ নয় রাজা।

রাজা। না রাণী, তাইত এই অবিম্ব্যকারিতার গ্নানি আমার সারা জীবন ছেয়ে আছে। কিন্তু তুমি যখন আসো আমার সে গ্নানি অতর্কিতে চলে যায়, ধরার মুখে আবার হাসি ফুটে ওঠে, লতায় পাতায় সবুজের হিল্লোল, আমার মনের কানায় কানায় সবুজ, সবুজ, কেবল সবুজ, আর তারই মাঝে বসে আছে তুমি, তুমি সবুজসুন্দরী।

বাসস্তিকা। এই রং, এই গন্ধ, এই গান, যখন তোমার এত পছন্দ, তখন কেন তুমি তোমার ছয় রাণীকেই এই একই রংয়ে, গন্ধে, গানে, সাজিয়ে নাও না ?

রাজা। হুঃখ যে আমার সে ক্ষমতা নেই বাসস্তিকা। দেবরাজ সৃষ্টির পূর্বে আমায় বর দিয়েছিলেন যে আমার ছয় রাণীকে যে মূর্তিতে সাজাবো, পৃথিবীর বুকে তা'রই ছাপ পর্যায়ক্রমে যা'বে আসবে। আমি আমার ছয় রাণীকে ছয়টি বিভিন্ন রূপে সাজিয়েছিলাম, তাই ধরার বুকে ছয়টি ঋতু বিরাজ কোরছে।

বাসস্তিকা। আবার নূতনভাবে সাজিয়ে নেবার বর কি দেবরাজ তোমায় দেন নি ?

রাজা। না, প্রলয়ের পূর্বে, ধরার নববিকাশের পূর্বে, সে ক্ষমতা আমি ফিরে পাবো না। এক একবার ভাবি, প্রলয়ের পর, ঋংসের বুকে, আমার ছয় রাণীকে তোমা-রই সাজে সাজাবো—তোমার রূপ যা'তে শাস্বত হোয়ে ওঠে আমার চোখে। আবার মনে হয়, না, না, না,

এই ভালো, নইলে তোমায় পাবার আশ্রয় আর আশ্রয়
থাকবে না, তোমার মধুর সঙ্গের ছর্ব্বার লোভ লুপ্ত
হ'বে।

বাসস্তিকা। তা'তে কতি কি রাজা ?

রাজা। জীবন মৃত্যুব ব্যবধান কোথায় থাকবে দেবী ?

বাসস্তিকা। বিচ্ছেদের আশঙ্কাও তেমনই লুপ্ত হ'বে।

রাজা। বিচ্ছেদ কত মধুর তা' কি তুমি জানো না রাণী ?
মিলনকে পূর্ণ কোরে তোলাই তার সার্থকতা। দিবা-
লোকে প্রদীপের যেমন কোন প্রয়োজন নাই অফুরন্ত
পাওয়ার মাঝে মিলনেরও তেমনই কোন সার্থকতা
নাই।

(গান গাহিতে গাহিতে ঋতুদূতের প্রবেশ)

(গান)

ধরার বুকে আগুন জেলে বিদায় নেবে ফাগুন হাওয়া।

চুকিয়ে দিয়ে ঋণের বোঝা অসীমপানে ভেসে যাওয়া।

ফুলের বুকে ফুরায় মধু,

কোথায় এখন ভ্রমর-বঁধু ?

চাঁদের আলোর ঘুমিয়ে আছে তাহার সকল পাওয়া।

বিশ্বকে সই নিঃশ্ব কোরে আজকে বিদায় চাওয়া।

[ঋতুদূতের প্রস্থান]

বাসস্তিকা

বাসস্তিকা। ঐ আমারও বিদায়ের ডাক এসেছে। বিদায়ের পূর্বক্ৰমে, বিচ্ছেদের যে মাধুরী তোমার ভাষায় প্রকাশ পেয়েছে, সেই আশ্বাসবাণীই আমার একমাত্র পাথর।

[হঠাৎ * কুঞ্জ তপ্ত হাওয়ায় ঝলসে' গেলো—নিদাঘের সূচনায় সহ চরী পরিবৃত্তা বাসস্তিকার বিদায়—ঝতুরাজের মুখ আবার ঐ ঙ্গ ভরে গেলো।]

য ব নি কা